

# 邱縣志

甲冊

行政區域圖 城池圖 縣政府圖 各機關圖 影片

序  
圖  
修志題名  
叙例  
目錄  
黨治志

本黨略史 黨治制度及其優點

1. 黨治的意義和精神  
2. 本黨主義及其優點

本縣黨史 1. 舉始時期  
2. 公開之前  
3. 公開之後  
4. 組織變遷及辦公地址  
5. 黨務經費  
6. 所屬各民衆團體活動之經過(附表三)

革命紀念日 附 1. 簡明表 2. 史略及宣傳要點

序

民國二十三年七月。邱縣薛縣長亞橋。謀修縣志。聘予任其事。予自維薄材。懼弗克勝。以稱縣長雅志。用是審慎創造。以言體例。舊者不合現代。新者絕少成書。以言材料。舊者整理需時。新者蒐集匪易。况乎邱縣舊志。傳鈔不知幾次。訛誤滋多。失修已逾百年。散佚更甚。兼以縣卷燬於兵燹。考查無由。文獻付諸渺茫。殘缺誰守。乃欲責效於一日。而創制之。限期以六月。而促成之。是誠可為急就章矣。予於蒞局之日。初得康熙徐志四冊。而詳閱之。繼又得乾隆黃志四冊。而對証之。均為綱八。目三十

邱縣志

序

六。蓋自明萬歷創修以來。至清乾隆。續修共有五次。未稍變更。誠以明清政體相同故耳。至於現在。則異是矣。民國十七年以後。與以前不同。與清季變法以後亦不同。與以前尤其不同。統計此數千年間。可分為四時期焉。民國十七年以後。黨治時期也。民國十七年以前。名為民治。實軍閥時期也。清季變法以後。固非誠意。實君憲時期也。清季變法以前。以及中古。非惟明清。實皆君治時期也。史例隨朝代而定。縣志亦仿史例而定。其在君治時期。所列綱目。固應爾也。烏得以現在而訾之乎。於是斟酌損益。參互錯綜。不敢多援他例。更不敢妄參已見。總之以黨治為本。以政事為幹。因而區別。舊有綱目。應廢

者廢之。應存者存之。至於大事所關。社會所重。舊制所有。志餘所錄。亦靡不兼顧而並及之。乃改定爲綱十九。目一百二十三。以便歸納而資進行。經五閱月之努力。而大體具矣。其以是爲江河之鑑。觴可耳。增潤而訂正之。是所望於後賢。是志也。各機關皆與以贊助。各區村皆取自採訪。國家掌故之敘述。多爲分纂張君偉勛之功。地方事蹟之考詢。多得分纂睢君燕希之力。而尤以督修薛縣長。及監修協修劉鄭兩科長。多所指導。克底於成。予獲藉以圓名其間。詎非幸歟。工既竣。爰將編輯大意。及諸同仁所以惠我者。謹述以爲序。

民國二十三年十二月總纂在平趙又揚撰

## 邱縣志

序

二

序

杞闕文獻。夏禮無徵。宋闕文獻。殷禮無徵。是文獻之不可闕也明矣。余於上年冬。自高苑奉調蒞邱。政務之暇。思閱縣志。以期明瞭斯邑典章文物之盛衰。與夫賦役戶口之盈虛增減。用備以因時擘畫。就事設施焉。乃據第五科長鄭聿修告余曰。縣志自清康熙四年。經縣令張珽修輯後。尙未續修一次。於今已閱二百六十餘年矣。並出示志書抄本四冊。經閱一通。實則康熙二十八年縣令徐德武續修者也。余思邱雖處魯省邊陲。彈丸之小。有人民焉。有政事焉。凡官斯土者。不僅一人。豈盡鄙陋無文。罔知縣志之足貴哉。復囑鄭科長博訪搜羅。始由濟南書肆。又覓得

## 邱縣志

序

三

清乾隆四十七年縣令黃景曾續修縣志一部。距今亦有一百五十餘年。體例雖尙稱完善。而時事變遷。今非昔比。苟無增刪接續之記載。卽恐疆域之廣狹。田賦之高下。人物藝文之隆替興衰。將必年復一年。湮沒弗彰。遂欲繼續修輯。以免闕文之歎。適奉

上憲令飭纂修。遂聚各機關而商榷之。余曰。修志非難也。纂修得人爲難。當據衆以在平。趙伯華對。乃經採訪人皆曰。趙君爲當時名宿。聘爲修志總纂。不惟稱職。抑且游及有餘。余遂派員往聘。蒞邱五月。脫稿。眞存訛去。墜舉廢修。總計綱十九。目一百二十三。洵爲一邑之全誌矣。因是記此數言。俾後來者有所參考。相繼損益。則又爲

邱民所矚望。可斷言也。是爲序。

民國二十二年歲次甲戌仲冬邱縣縣長樂陵薛儒華撰

邱縣志

序序

四四

序

吾邱縣志之不修。百五十餘年矣。前之典章文物。燬於教匪。後之典章文物。燬於土匪。漫謂有此兩次匪亂。官書散軼。私記無存。修輯不易。即使無此禍患。而年代悠久。纂輯良難。亦爲人所公認也。癸酉冬。薛縣長亞橋由高苑調此。詢悉縣志年久失修。遂欲集衆編輯。適劉匪桂堂率衆數千。由河北來。意圖窺邱。公聞報。立率團警并聯莊會員不滿千人。躬親陣地。指揮攻擊。人自爲戰。匪勢不支。遂窺豫境。當生擒僞連長排長。電呈法辦。又聞匪首張二擁衆數百。潛匿曲周境內。歷爲邱民巨害。公遂不惜重資。購線緝獲。明正典刑。自是而後。雖云犬吠無聞。

## 邱縣志

序

五

則又以地方凋敝。人民困苦。具呈請降邱縣爲二等。以輕人民負擔。雖未蒙准。而愛民之心。可謂至矣。當此政暇。公復以修志見商。只以款無所出。未克着手。適上憲令飭纂輯。並示以款由地方籌劃。因是公之志願遂矣。當聘宿儒趙君伯華爲總纂。不數月而書成。搜羅宏富。體例完全。縱不能光輝史冊。要亦可爲吾邱之鉅典矣。至於公之撫邱。有善必勸。有惡必懲。以及提倡教育實業。嚴禁煙賭毒品。是其職分內事。固不能加以諛詞。凡如上述之犖犖大者。亦不能不略記梗概。俾後之爲牧者。有以借鑑而淬厲也夫。

民國二十三年歲次甲戌仲冬中國國民黨山東省邱縣黨部常務委員邑人暴捷三謹撰

序

縣之有乘。猶國之有史也。史不修。則一國之文獻無考。乘不修。則一縣之文獻無徵。邱縣縣乘之不修。已百五十餘載。時代久遠。徵集文物典章。已屬不易。況清咸豐年間。教匪陷城。轉入民國庚午。土匪陷城。官書私記。先後焚燬散軼。片紙無存。凡來邱牧民者。初亦未嘗不欲徵集文獻。刊作專書。終竟不能纂修。表見於世。未始非見難而輟。因之歲月遷延。致令戶口之增減。地勢之變遷。均皆湮沒無所稽考。豈不可慨哉。癸酉冬。薛縣長亞橋由高苑調升邱縣。下車後。詢知縣乘不修。蓋有年矣。遂不畏煩難。毅然以刊修自任。豈知驟有劉匪桂堂擁衆數千。

## 邱縣志

序

六

意在窺擾。修志之事。不遑顧及。迨將劉匪擊窺後。復又思踐前議。正擬籌措經費。見諸實行。適奉

上憲令飭各縣纂修縣志。並示以期限歲事。由是觀之。具見重視文獻之心。上下一致。而亞公之願償矣。是時。

任縣政府第二科長。文章經濟。愧無一長。而亞公採及蒔菲。轉畀以修志分纂之職。自知淺陋。懼恐貽譏。堅辭未許。且復承各科同仁懇摯諄勸。亦祇有竭其棉力。黽勉共襄。幸有趙伯華先生。為在平名宿。博學多聞。擔任總纂。得以事事匡助。獲免刺謬。是書所列建設教育兵財諸要政。根據各機關記載。人物藝文忠烈等事。根據採訪記載。茲因書成。綴名簡末。幸何如之。是為序。

民國二十三年歲次甲戌仲冬桐城張震謹撰

序

修志非可固定者也。此時與彼時不同。此地與彼地不同。縣志爲史書之一種。應記載某一時期。某一地域之人類活動事蹟。及地理上物產上之天然狀態。分別爲社會上一部的寫真。合則爲瞰視全社會的依據。在文獻上言之。固極重要。在社會階段的銜接上言之。尤關重要。但過去縣志之纂修。只知注意事實靜態的記載。未能於靜的事實中。提示出變動的過程。尤其未能提示出相聯屬而不相同的兩事務之由相同而相異。亦未能提示出不相聯屬而相同的兩事務之由不同而形式相同。和實質的根本不同。而況現在世界各種勢力之競進。及吾國社會各種事業之落後。修志

## 邱縣志

序

七

者。更當承先啓後。適應乎時代動的演進。順而着手。此固在主編者之學識與思想。亦在負責督修者之善於指導已耳。

查邱縣志書失修者。已一百五十餘年矣。地處偏僻。形勢分離。介在冀魯之間。一切行政與事業。均難處理。此固所謂盤根錯節。可以別利器者也。遑暇及於修志乎。薛縣長亞橋公。於癸酉冬。由高苑調升邱縣。其時。正值民生凋敝。地方多故之秋。乃抱定興利除弊。除暴安良各目的。視民如傷。嫉匪如仇。他若嚴禁毒品。截擊劉匪。平反冤案。勵行要政。靡不切實施行。其尤可欽者。青年英俊。通達治體。清廉自矢。勤慎自修。雖老鍊循良。無

以過之。猶憶其在山東訓所時。才學發越。嶄然露頭角。當時。亦在該所受訓。每於代表集會中。聆其偉論。傾心傾首。宜乎初試高苑。繼長邱縣。治績斐然。一時稱最也。

本年夏。政務之暇。關心邑乘。注意創垂。適奉

上憲有修志之令。於是亞橋公得以放手爲之。而夙願慰矣。編訪修志人才。於總纂。得在平趙君伯華。於分纂。得桐城張君偉勳。邑人睢君燕希。廣事徵集。以求材料。多請採訪。以求普遍。續聘審查。求以精詳。則與此間人員。所共同負責。期於完善。而又與主編者悉心研討。以合乎時代演進性。洵足多也。

## 邱縣志

序

八

本志。綱目清楚。材料豐富。於縣卷散失。文獻淪亡之後。以最少之經濟。最短之時間。而創成之。未悉主編者具何情緒。但觀其斟酌損益。參互錯綜。按部就班。順應自然。不襲舊志體例。不蹈前人窠臼。實事求是。亦足取矣。

來邱一二年有餘。厯心工作。於財政上大致就理。殊無勞績之可言。唯於千載一時之機會。獲逢修廢舉墜之盛舉。因藉以附驥。斯爲幸耳。不敏。僭任監修。媿無多所裨益。謹述意見如此。

民國二十三年十二月在平劉逢庚撰

序

縣之有志。猶國之有史也。志者。誌其事實。與史之功用亦同。舉凡表章義行。激勵風俗。闡幽光而發潛德。用以式我後人者。胥賴乎是。則修志之舉。願不重歟。查吾邑縣志失修百五十年。其待重修者甚衆。然欲實行重修。則難乎其難。年代久遠。採訪不易。潦草塞責。負慚衾影。一難也。屢遭兵燹。檔案無存。圖筭關鍵。失所依據。二難也。地方不靖。財政支絀。修輯重任。苦乏人才。三難也。總上所述。雖知縣志重修之不可緩。亦不過扼腕太息。徒喚奈何而已。茲幸

薛縣長英年偉才。攝篆斯土。甫蒞任而土匪肅清。未一載

# 邱縣志

序

九

而縣政完成。庶事既無廢弛。財政亦循軌道。重修縣志。此其時矣。本年夏。適奉

上憲有修志之令。我

縣長於是徵聘宿儒趙伯華先生總理其事。並聘桐城。張偉勳。邑人睢燕希。贊助之。廣諮博訪。修廢舉墜。甚盛事也。老朽無學。濫竽採訪。汲長綆短。時慮隕越。凡有違反潮流。捕捉風影之事。不敢冒昧蒐羅。聊爲塞責以避採訪失實之咎焉。今者。大功告成。行將付梓。謹綴數語。附於諸君子之後。非故炫耀。亦藉以表示不忘云爾。是爲序。


民國二十三年歲次甲戌仲冬邑人白玉珂謹序












# 邳縣城池圖

比例尺: 1:3000

0 50 100 150 200 250公尺




圖例表

-  城牆
-  街巷
-  護城壕
-  池沼
-  橋樑
-  廟宇
-  石碑坊
-  井泉
-  塔
-  魁星樓


民國二十三年九月縣政府第四科測繪

# 邱縣政府平面圖




民國二十三年十二月繪

邱縣政府第三科平面圖




民國二十三年十二月繪

邱縣政府第四科平面圖




# 邱縣政府第五科平面圖



民國二十三年十二月繪

# 邱縣公安局平面圖



民國二十三年十二月繪